

Pravila nagradne igre "COCA-COLA & FIFA WC 2026"

1. OSNOVNE INFORMACIJE O PRIREĐIVAČU NAGRADNE IGRE

1.1. U skladu s Pravilnikom o sadržaju pravila, uvjetima i načinu priređivanja nagradnih igara („Sl. Novine Federacije BiH“ br. 30/16, 63/19, 92/20, 12/22, 67/23 i 53/24), ovu nagradnu igru pod nazivom „**COCA-COLA & FIFA WC 2026**“ organizira i provodi Coca-Cola HBC B-H d.o.o. Sarajevo, sa sljedećim sjedištem: Mostarsko raskršće 1, 71240 Hadžići, koju zastupa Ivan Pušić, direktor prodaje (u daljem tekstu: Organizator), ID-broj: 4200200160006, PDV broj: 200200160006, uz saglasnost Federalnog ministarstva finansija, Broj: UP-05-12-1-468/26 od 21.04.2026. godine

2. NAZIV NAGRADNE IGRE

2.1. Naziv nagradne igre je „COCA-COLA & FIFA WC 2026“.

3. TRAJANJE I SVRHA PRIREĐIVANJA NAGRADNE IGRE

3.1. Nagradna igra traje u periodu od 28.4.2026. godine sa početkom u 12:00 sati, do 15.6.2026. godine sa završetkom u 12:00 sati.

3.2. Svrha organizovanja nagradne igre je promocija proizvoda Organizatora iz kategorije gaziranih bezalkoholnih pića i to:

- **Coca-Cola Original Taste** u plastičnom nepovratnom pakovanju od 0,5 l (500 ml PET), 1,25 l (1,25 l PET) i 2 l (2 l PET), kao i u staklenoj bočici od 250 ml (RGB);
- **Coca-Cola Zero Sugar** u plastičnom nepovratnom pakovanju od 0,5 l (500 ml PET), 1,25 l (1,25 l PET) i 2 l (2 l PET), kao i u staklenoj bočici od 250 ml (RGB).

3.3. Nagradna igra organizuje se na području Federacije Bosne i Hercegovine.

3.4. Organizator će prije početka nagradne igre, objaviti Pravila nagradne igre u jednim dnevnim novinama dostupnim na teritoriji Federacije Bosne i Hercegovine, i navesti broj i datum Rješenja Federalnog ministarstva finansija, kojim je data saglasnost na ova Pravila.

Pravila nagradne igre bit će dostupna i na web stranici Organizatora: <https://ba.coca-colahellenic.com/>. Dodatne informacije u vezi s ovim Pravilima mogu se dobiti putem e-mail adrese info.ba@cchellenic.com ili pozivom na besplatnu Coca-Cola info liniju: 080 020 100, svakim radnim danom od 9 do 17 sati.

3.5. Organizator će obezbjediti sve preduslove tokom trajanja ove nagradne igre, kojima će u najvećoj mogućoj mjeri omogućiti obavezno izvlačenje dobitnika svih nagrada i podjelu cjelokupnog nagradnog fonda.

3.6. Organizator će nagradnu igru provesti pod uslovima, koji su u skladu i sa drugim zakonskim i podzakonskim propisima i opštim moralnim načelima.

3.7. Za vrijeme trajanja nagradne igre, pravila su dostupna i na web stranici:
<https://ba.coca-colahellenic.com>

4. USLOVI UČESTVOVANJA U NAGRADNOJ IGRI

4.1. Pravo učešća u nagradnoj igri imaju sva fizička lica s prijavljenim prebivalištem u Federaciji Bosne i Hercegovine ili Brčko distriktu Bosne i Hercegovine starija od 18 (osamnaest) godina koja u periodu trajanja nagradne igre kupe najmanje dva (2) proizvoda Organizatora iz člana 3. ovih Pravila, u skladu s ovim Pravilima.

4.2. Kupovinom navedenih proizvoda u promotivnim pakiranjima, pri čemu je za jednu prijavu potrebno najmanje dva (2) kupljena proizvoda, stječe se pravo na učešće u nagradnoj igri.

4.3. Potrebno je da Učesnik nakon kupovine proizvoda ispod čepa u plastičnim pakiranjima ili ispod etikete u staklenim bočicama (RGB) pronađe specifični desetocifreni kod (dalje u tekstu: Kod).

4.4. Potrebno je također da Učesnik preuzme aplikaciju Coca-Cola App s AppStorea ili Google Playa, odnosno putem QR-koda koji će se nalaziti na promotivnim materijalima ove promocije. Sve podatke i pravila ove nagradne igre učesnici mogu svakodnevno saznati putem preuzete aplikacije Coca-Cola App, kao i putem korporativne web-stranice Organizatora: <https://ba.coca-colahellenic.com>.

4.5. Prilikom registracije Učesnik je dužan otvoriti svoj korisnički profil u aplikaciji i unijeti svoje lične podatke (ime i prezime, e-mail adresu, državu prebivališta, datum rođenja i nadimak te broj telefona). Svaki učesnik nagradne igre može imati najviše jedan korisnički profil u okviru aplikacije.

4.6. Nakon uspješne registracije učesnik unosi desetocifreni kod s promotivnih proizvoda. Svaki kod može biti iskorišten samo jednom u okviru aplikacije. Ako se osvojeni kod iskoristi više puta, u obzir će se uzeti samo prvi unos koda, a svi će se naknadni unos istog koda zanemariti.

4.7. Svakom kupovinom proizvoda Organizatora navedenih u članu 3. ovih Pravila učesnik nagradne igre stječe mogućnost prikupljanja „Lopta“ bodova na način i u skladu s uvjetima iz ovih Pravila. Svaka kupovina jednog proizvoda uključenog u nagradnu igru vrijedi 1 (jedan) „Lopta“ bod po jednoj plastičnoj flaši, odnosno staklenoj bočici.

4.8. Skupljanjem osvojenih loyalty bodova („Lopta“ bodova) u okviru aplikacije Coca-Cola App (dalje u tekstu: aplikacija), u skladu s ovim Pravilima, svaki učesnik ostvaruje pravo na učešće u nagradnom izvlačenju prema svom izboru.

Za učešće u izvlačenju potrebno je 2 (dvije) „Lopte“ za 1 (jednu) prijavu. Učesnik može ostvariti neograničen broj prijava, dok god ima dovoljan broj „Lopta“ bodova, odnosno dok ukupan broj prijava svih korisnika po pojedinom nagradnom izvlačenju ne dostigne 50.000 (pedeset hiljada). „Lopta“ bodovi iskorišteni za prijavu ne mogu se ponovo koristiti, bez obzira na ishod izvlačenja.

4.9. Ukoliko se prilikom registracije sistemski uspostavi da je učesnik unio pogrešan ili iskorišten kod, spomenuta registracija odbit će se kao neispravna.

4.10. Radi osiguranja ravnopravnosti učešća i jednake mogućnosti osvajanja nagrada, svaki učesnik može osvojiti samo jednu nagradu u okviru jednog nagradnog izvlačenja.

Učesnici koji su već osvojili nagradu u jednom od prethodnih izvlačenja mogu nastaviti učestvovati u narednim izvlačenjima, ali ne mogu osvojiti istu vrstu nagrade više od jednom tokom trajanja nagradne igre. Ukoliko učesnik bude izvučen za nagradu koju je već ranije osvojio, nema pravo na dodjelu te nagrade niti na bilo kakvu zamjensku ili alternativnu nagradu, te će nagrada u tom slučaju biti dodijeljena alternativnom dobitniku.

Dobitnik Glavne nagrade nema pravo na dodjelu drugih nagrada u okviru ove nagradne igre. Ukoliko takav učesnik bude izvučen za neku od ostalih nagrada, nema pravo na dodjelu iste niti na bilo kakvu zamjensku ili alternativnu nagradu, te će nagrada biti dodijeljena alternativnom dobitniku.

4.11. Svi zaprimljeni kodovi nalazit će se pod kontrolom Organizatora i bit će odbijeni ako nisu nabavljeni kroz legitimne dozvoljene kanale odnosno prevarnim radnjama. Svi kodovi koji su reproducirani, duplirani, izmišljeni ili promijenjeni na bilo koji način tako da ne mogu biti potvrđeni kao legitimni bit će sistemski odbijeni kao nevažeći. U slučaju štamparskih grešaka ili neregularnosti promotivnog zatvarača ili etikete Organizator i njegovi poslovni partneri kao i njihova odjeljenja, pridružena društva, podružnice, zastupnici i agencije neće snositi nikakvu odgovornost. Organizator zadržava pravo diskvalifikacije učesnika u slučaju zloupotrebe, manipulacije, korištenja više korisničkih profila ili bilo kakvog ponašanja koje narušava integritet nagradne igre.

4.12. Pravo na učešće nemaju osobe zaposlene kod Organizatora, osobe zaposlene kod nezavisnih partnera koji učestvuju u realizaciji ove nagradne igre, u reklamnim agencijama uključenim u ovu promociju, kao i najbliži članovi porodice bilo koje od navedenih osoba (supružnici, djeca i roditelji te braća i sestre ukoliko žive s njima u zajedničkom domaćinstvu). Organizator zadržava pravo da po vlastitom nahođenju izvrši provjeru gore navedenih činjenica.

4.13. Učestvovanjem u nagradnoj igri učesnici prihvataju ova Pravila nagradne igre.

5. NAČIN IZVLAČENJA DOBITNIKA NAGRADA

Nagradna izvlačenja za ovu nagradnu igru će se odvijati metodom slučajnog odabira (elektronskim putem) i održat će se u sjedištu Organizatora na adresi: Mostarsko raskršće broj 1, Hadžići, u 4 (četiri) termina (rafflea):

A. Prvo nagradno izvlačenje – dana 19.5.2026. godine u 12:00 sati, za prijave prikupljene od 28.4.2026. godine od 12:00 sati do 17.5.2026. godine do 23:59:59 sati, za sljedeće nagrade:

1. Glavna nagrada: Putovanje za dvije (2) osobe na utakmicu između reprezentacija Bosne i Hercegovine i Švicarske, koja se igra 18.6.2026. godine u Los Angelesu (SAD), u sklopu Svjetskog prvenstva u fudbalu, a koje uključuje ulaznice za utakmicu, povratni zračni prijevoz, smještaj, transfere i putničko osiguranje (2 dobitnika)

B. Drugo nagradno izvlačenje – dana 19.5.2026. godine u 12:05 sati, za prijave prikupljene od 28.4.2026. godine od 12:00 sati do 17.5.2026. godine do 23:59:59 sati, za sljedeće nagrade:

1. Hisense Smart mini projektor 4K (1 dobitnik)
2. Hisense samostojeći french door frižider (1 dobitnik)
3. Hisense 55" 4K pametni televizor (144 Hz) (1 dobitnik)
4. Reprezentativni dres BiH reprezentacije (2 dobitnika)

C. Treće nagradno izvlačenje – dana 5.6.2026. godine u 12:00 sati, za prijave prikupljene od 18.5.2026. godine od 09:00 sati do 1.6.2026. godine do 11:59:59 sati, za sljedeće nagrade:

1. Hisense Smart mini projektor 4K (1 dobitnik)
2. Hisense samostojeći french door frižider (1 dobitnik)
3. Hisense 55" 4K pametni televizor (144 Hz) (1 dobitnik)
4. Reprezentativni dres BiH reprezentacije (2 dobitnika)

D. Četvrto nagradno izvlačenje – dana 18.6.2026. godine u 12:00 sati, za prijave prikupljene od 1.6.2026. godine od 12:00 sati do 15.6.2026. godine do 11:59:59 sati, za sljedeće nagrade:

1. Hisense Smart mini projektor 4K (1 dobitnik)
2. Hisense samostojeći french door frižider (1 dobitnik)
3. Hisense 55" 4K pametni televizor (144 Hz) (1 dobitnik)
4. Reprezentativni dres BiH reprezentacije (1 dobitnik)

Napomena o redoslijedu dodjele nagrada: Za svako izvlačenje unaprijed je određen ukupan broj dobitnika. Izvučeni dobitnici redom dobivaju nagrade s gore navedenog popisa.

5.2. Za svaku nagradu, osim glavne nagrade, izvlači se i po 1 alternativni dobitnik, koji se smatra dobitnikom u slučaju da prvobitno izvučeni dobitnik:

- (a) ne dostavi tražene podatke u roku od 8 (osam) dana od dana slanja obavijesti,
- (b) izričito odbije nagradu, ili
- (c) nema pravo na dodjelu nagrade u skladu s članom 4.10. ovih Pravila,
- (d) ili iz bilo kojeg drugog razloga utvrđenog ovim Pravilima ne stekne uslove za dodjelu nagrade.

U navedenim slučajevima nagrada će biti dodijeljena alternativnom dobitniku.

Za nagradu iz prvog nagradnog izvlačenja (Glavna nagrada), neće se izvlačiti alternativni dobitnik zbog ograničenog vremenskog roka za realizaciju nagrade, pa sukladno tome ukoliko se nagrada iz opravdanog razloga ne bude mogla uručiti dobitniku, Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

6. SASTAV KOMISIJE ZA IZVLAČENJE NAGRADA

6.1. Organizator će imenovati Komisiju (najmanje tri člana), koja će nadgledati regularnost javnog izvlačenja dobitnika.

6.2. O toku izvlačenja Komisija će voditi zapisnik koji će minimalno sadržavati:

- a) mjesto, vrijeme i način izvlačenja dobitnika
- b) broj i datum Rješenja Federalnog ministarstva finansija,
- c) datum i naziv medija u kojem su pravila nagradne igre objavljena,
- d) imena i prezimena članova komisije,

e) imena, prezimena i adrese dobitnika

f) naziv i vrijednost nagrade pojedinog dobitnika.

7. FOND NAGRADA

7.1. Nagradni fond se sastoji od:

Nagrade	Količina	Pojedinačna cijena s PDV-om	Total
Prvo nagradno izvlačenje – Glavna nagrada			
<p>Nagrada u okviru ove nagradne igre je putovanje za dvije (2) osobe, u periodu od 17.06.2026. do 22.06.2026. godine, na nogometnu utakmicu između reprezentacija Bosne i Hercegovine i Švicarske, koja će se održati 18.06.2026. godine u Los Angelesu, Sjedinjene Američke Države, u sklopu Svjetskog prvenstva u fudbalu.</p> <p>Nagrada uključuje: dvije (2) ulaznice za navedenu utakmicu; povratni avionski prijevoz na relaciji Sarajevo – Istanbul – Los Angeles – Istanbul – Sarajevo, s aviokompanijom Turkish Airlines (ekonomska klasa); smještaj za dvije (2) osobe u hotelu InterContinental Los Angeles (5*), u dvokrevetnoj sobi, na bazi četiri (4) noćenja s doručkom; organizirane transfere na teritoriji Sjedinjenih Američkih Država, i to: transfer aerodrom – hotel – aerodrom, organizirani prijevoz na utakmicu; putničko zdravstveno osiguranje za obje osobe za vrijeme trajanja putovanja; asistenciju i podršku predstavnika turističke agencije BUENA VISTA d.o.o., Branilaca Sarajeva 21, 71000 Sarajevo, na destinaciji, u svrhu pružanja dodatnih logističkih i organizacijskih informacija koje dobitnik eventualno bude imao tokom putovanja.</p> <p>Putovanje organizira turistička agencija BUENA VISTA d.o.o., Branilaca Sarajeva 21, 71000 Sarajevo, dok Organizator snosi odgovornost prema dobitniku za realizaciju nagrade.</p> <p>Sve druge troškove koji nisu izričito navedeni kao uključeni u nagradu snosi dobitnik i osoba u pratnji.</p>	2	13.460,00 KM	26.920,00 KM

Drugo izvlačenje			
Hisense Smart mini projektor 4K	1	2.150,00 KM	2.150,00 KM
Hisense samostojeći french door frižider	1	1.740,00 KM	1.740,00 KM
Hisense 55" 4K pametni televizor (144 Hz)	1	1.288,00 KM	1.288,00 KM
Reprezentativni dres BiH reprezentacije	2	99,00 KM	198,00 KM
Treće izvlačenje			
Hisense Smart mini projektor 4K	1	2.150,00 KM	2.150,00 KM
Hisense samostojeći french door frižider	1	1.740,00 KM	1.740,00 KM
Hisense 55" 4K pametni televizor (144 Hz)	1	1.288,00 KM	1.288,00 KM
Reprezentativni dres BiH reprezentacije	2	99,00 KM	198,00 KM
Četvrto izvlačenje			
Hisense Smart mini projektor 4K	1	2.150,00 KM	2.150,00 KM
Hisense samostojeći french door frižider	1	1.740,00 KM	1.740,00 KM
Hisense 55" 4K pametni televizor (144 Hz)	1	1.288,00 KM	1.288,00 KM
Reprezentativni dres BiH reprezentacije	1	99,00 KM	99,00 KM
TOTAL			42.949,00 KM

7.2. Nagradni fond se ne može zamijeniti za novac. Dobitnik nema pravo zahtijevati drugačiju nagradu ili nagradu čija vrijednost prelazi iznos naveden u ovom Članu Pravila.

7.3. Organizator ili bilo koji privredni subjekt angažiran od strane Organizatora za provedbu nagradne igre ne preuzimaju odgovornost za eventualnu štetu koja može nastati učešćem u nagradnoj igri ili korištenjem nagrada, osim odgovornosti za osiguranje realizacije nagrade u skladu s ovim Pravilima.

8. NAČIN OBAVJEŠTAVANJA I OBJAVLJIVANJA DOBITNIKA

8.1. Organizator je dužan najkasnije u roku od 8 dana od dana izvlačenja, obavijestiti dobitnike o osvojenim nagradama putem e-maila koji su ostavili prilikom registracije, pri čemu se dan slanja e-mail obavijesti smatra početkom roka za dostavu podataka iz člana 9. ovih Pravila, te će tražiti od Dobitnika sve potrebne informacije kako bi se nagrada uspješno uručila ili realizirala.

8.2. Rezultati nagradne igre i imena dobitnika nagrada biće objavljeni i na <https://ba.coca-colahellenic.com.>, u roku od 7 dana od dana nagradnog izvlačenja.

8.3. Ukoliko zbog okolnosti za koje nije kriv Organizator (dostavljeni pogrešni lični podatci od strane učesnika, učesnik se ne nalazi na navedenoj adresi, vanredne okolnosti i sl.), nije moguće obavijestiti dobitnike nagrada, Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

9. MJESTO I ROK ZA PODIZANJE NAGRADA

9.1. Dobitnik nagrade dužan je dostaviti sve potrebne informacije osobi za kontakt Organizatora nagradne igre u roku od 8 (osam) dana od dana slanja obavijesti o dobitku, kako bi mu se nagrada uspješno uručila ili realizirala. Dobitnik nagrade dužan je dati dokaz o identitetu. U slučaju Glavne nagrade, dobitnik i osoba u pratnji dužni su dostaviti i dokaz o posjedovanju važeće putne isprave (pasoša) ili potvrdu da je pasoš u postupku izdavanja, kao i druge podatke i dokumentaciju potrebnu za organizaciju i realizaciju putovanja. Ukoliko u tom roku ne dostavi tražene podatke, uključujući ime i prezime te adresu za dostavu nagrade, gubi pravo na nagradu, čime prestaju sve daljnje obaveze Organizatora prema dobitniku.

9.2. Dobitnicima će fizičke nagrade biti dostavljene putem dostavne službe na kućnu adresu odmah po prijemu neophodnih podataka za dostavu, u roku propisanom članom 14. Pravilnika o sadržaju pravila, uvjetima i načinu priređivanja nagradnih igara („Službene novine Federacije BiH“ br. 30/16, 63/19, 92/20, 12/22, 67/23 i 53/24). Glavna nagrada koja uključuje putovanje realizira se u dogovoru s dobitnikom, putem direktne komunikacije s Organizatorom ili ovlaštenim partnerom za realizaciju putovanja.

9.3. Ukoliko se nagrada iz opravdanog razloga ne bude mogla uručiti dobitniku, Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

9.4. Prilikom preuzimanja nagrade dobitnik potpisuje izjavu o preuzimanju nagrade.

9.5. Organizator je odgovoran za pravovremeno i tačno informisanje učesnika u nagradnoj igri o njegovim pravima i obavezama kod preuzimanja nagrada, te snosi odgovornost za realizaciju nagrade i u slučaju kada nagrada predstavlja uslugu koju pruža treće lice.

9.6. Organizator ne preuzima nikakvu odgovornost za bilo kakvu štetu koja bi eventualno nastala kao posljedica nakon preuzimanja ili korištenja proizvoda iz nagradnog fonda.

9.7. Porez na dohodak na nagradu ostvarenu učešćem u nagradnoj igri obračunat će se u skladu sa propisima o porezu na dohodak, a obavezu plaćanja poreza preuzima Organizator.

9.8. Učesnici mogu biti pozvani da učestvuju u javnim događajima. Dobitnici u nagradnoj igri prihvataju uvjet da njihova imena, adrese i fotografije mogu biti korišteni i objavljivani kao foto, audio i

videomaterijal od strane Organizatora i njegovih pridruženih agencija i partnera koji učestvuju u realizaciji nagradne igre. Učestvovanjem u nagradnoj igri učesnici daju dozvolu Organizatoru da koristi njihova imena i/ili ličnost u promotivne svrhe bez naknade.

9.9. Za Glavnu nagradu koja uključuje putovanje u Sjedinjene Američke Države, dobitnik i osoba u pratnji dužni su posjedovati važeću putnu ispravu (pasoš) te ispuniti sve uslove za ulazak i boravak u Sjedinjenim Američkim Državama, uključujući pravovremeno podnošenje zahtjeva za vizu i pribavljanje odobrene vize.

9.10. Organizator ne snosi nikakvu odgovornost za nemogućnost realizacije nagrade u slučaju da dobitnik ili osoba u pratnji ne ispune uslove za ulazak ili boravak u Sjedinjenim Američkim Državama, uključujući, ali ne ograničavajući se na: nepostojanje važećih putnih dokumenata, neodobranje ili kašnjenje u izdavanju vize, kao i odluke nadležnih tijela o odbijanju ulaska u zemlju.

9.11. Organizator ne snosi nikakvu odgovornost za troškove pribavljanja putne dokumentacije, uključujući troškove izdavanja pasoša, vize, kao ni bilo kakve druge lične troškove dobitnika i osobe u pratnji koji nisu izričito navedeni kao uključeni u nagradu.

9.12. Dobitnik ima pravo odabrati jednu osobu u pratnji, koja mora ispunjavati sve uslove propisane ovim Pravilima, uključujući uslove za putovanje i ulazak u Sjedinjene Američke Države.

9.13. Glavna nagrada je prenosiva na drugo lice isključivo uz prethodnu pisanu saglasnost Organizatora. U slučaju da dobitnik iz opravdanih razloga nije u mogućnosti realizirati putovanje, dužan je u roku propisanom članom 9.1. ovih Pravila dostaviti zahtjev za prenos nagrade, zajedno sa svim potrebnim podacima o licu na koje se nagrada prenosi. Lice na koje se nagrada prenosi mora ispunjavati sve uslove propisane ovim Pravilima, uključujući uslove za putovanje i ulazak u Sjedinjene Američke Države. Nakon odobrenog prenosa nagrade, Organizator nema nikakvih daljnjih obaveza prema prvobitnom dobitniku.

9.14. U slučaju da dobitnik ili lice na koje je nagrada prenesena, kao i osoba u pratnji, ne ispune uslove za realizaciju nagrade, ne dostave tražene podatke u propisanom roku ili iz bilo kojeg drugog razloga ne realiziraju nagradu, a nije moguć ili odobren daljnji prenos nagrade u skladu s ovim Pravilima, nagrada se smatra nepodijeljenom, te Organizator nema nikakvih daljnjih obaveza niti odgovornosti prema dobitniku odnosno licu na koje je nagrada prenesena.

9.15. Osoba u pratnji može biti i maloljetna, uz uslov da dobitnik kao punoljetna osoba preuzima svu odgovornost za maloljetnu osobu tokom realizacije nagrade. U tom slučaju, dobitnik je dužan osigurati svu potrebnu dokumentaciju za putovanje maloljetne osobe, uključujući pisanu saglasnost roditelja ili zakonskog staratelja, ovjerenu u skladu s važećim propisima, kao i ispunjavanje svih drugih zakonskih uslova za putovanje i boravak u inostranstvu.

9.16. Organizator ne snosi odgovornost za odluke trećih strana uključenih u realizaciju nagrade, uključujući aviokompanije, hotele, organizatore događaja i nadležna tijela, niti za eventualne promjene termina, itinerara, smještaja ili drugih elemenata putovanja koje su izvan kontrole Organizatora, pri čemu Organizator ostaje odgovoran za osiguranje realizacije nagrade prema dobitniku.

9.17. Organizator ne snosi nikakvu odgovornost za ponašanje dobitnika i osobe u pratnji tokom realizacije nagrade, uključujući poštivanje zakona, propisa i pravila trećih strana, niti za eventualne

nezgode, zdravstvene poteškoće, gubitak ličnih stvari, kašnjenja ili druge okolnosti koje mogu nastati tokom putovanja.

10. USLOVI POD KOJIM SE NAGRADNA IGRA MOŽE IZMJENITI, PREKINUTI ILI OTKAZATI

10.1. Pravila nagradne igre ne mogu se mijenjati nakon što je nagradna igra počela, osim ukoliko za to postoje opravdani razlozi ili zbog nastupanja okolnosti više sile.

10.2. U slučaju prekida ili otkazivanja nagradne igre usljed nastupanja vanrednih okolnosti, Organizator će o navedenom obavijestiti Federalno ministarstvo finansija.

10.3. Federalno ministarstvo finansija daje saglasnost na izmjenu pravila igre, prekid i otkazivanje nagradne igre, ukoliko su razlozi zbog kojih se traži dokazani od strane Organizatora ili opštepoznati, a Organizator će učesnike o navedenom obavijestiti na isti način na koji su objavljena ranije odobrena pravila nagradne igre.

10.4. Ukoliko nagradni fond nakon završetka nagradne igre ne bude podjeljen učesnicima na način predviđen Pravilima ove nagradne igre (usljed isteka roka za podizanje nagrada, nepostojanje dovoljnog broja učesnika i sl.) ili zbog eventualnog prekida odnosno otkazivanja igre usljed dejstva okolnosti koje imaju karakter više sile, organizator će nagradni fond prodati, a sredstva ostvarena prodajom uplatiti ravnomjerno na račune humanitarnih organizacija u skladu sa članom 17. stav (1) Zakona o igrama na sreću.

11. KORIŠTENJE LIČNIH PODATAKA

11.1. Učešćem u nagradnoj igri, učesnici potvrđuju prihvaćanje ovih Pravila i daju saglasnost Organizatoru da prikuplja i obrađuje navedene lične podatke isključivo u svrhu provođenja ove nagradne igre i na način kako je to opisano u ovim Pravilima. Prikupljeni lični podaci koriste se za samo evidenciju Organizatora.

11.2. Organizator je odgovoran za obradu podataka u skladu sa propisima o zaštiti ličnih podataka, i poduzet će sve potrebne mjere da bi se osiguralo sigurno korištenje i obrada ličnih podataka učesnika u nagradnoj igri i u skladu sa važećim propisima, a učesnici imaju pravo da budu informisani o činjenici da se podaci prikupljaju i da budu upoznati sa tim podacima.

11.3. Učesnik u nagradnoj igri je odgovoran za davanje tačnih podataka Organizatoru, u cilju provođenja ove nagradne igre.

11.4. Učesnici prihvaćanjem ovih Pravila daju svoju saglasnost da, ako postanu dobitnici nagrada, Organizator može proslijediti njihove lične podatke trećim licima (odabranoj dostavnoj službi ili partnerima uključenim u realizaciju nagrada, uključujući organizaciju i realizaciju putovanja, kao i u računovodstvene svrhe radi eventualnog obračuna i plaćanja poreza na dohodak), isključivo u svrhu provođenja ove nagradne igre.

11.5. Svojim učešćem u nagradnoj igri učesnici su saglasni da, ako postanu dobitnikom nagrade, njihove lične podatke (ime i prezime) Organizator može objaviti i iskoristiti bez naknade u štampanom, zvučnom i slikovnom obliku te videozapisu. Učesnici nagradne igre svojim učešćem pristaju na prikupljanje, upotrebu i objavu svojih ličnih podataka navedenih u korisničkom profilu u promotivne svrhe povezane s nagradnom igrom i proizvodima koji su uključeni u nagradnu igru.

11.6. Podaci dobitnika bit će objavljeni u anonimiziranom obliku (ime i inicijal prezimena) u roku od 7 (sedam) dana od održanog nagradnog izvlačenja na web-stranici Organizatora. Nakon što dobitnici dostave tražene podatke i njihov identitet bude potvrđen u zakonskom roku, popis će biti ažuriran i objavljen s punim imenom i prezimenom te mjestom prebivališta.

11.7. Organizator će lične podatke učesnika čuvati onoliko vremena koliko je to potrebno za potpunu realizaciju ove nagradne igre.

11.8. Učesnik može u bilo kojem trenutku povući svoju saglasnost za obradu ličnih podataka dopisom na adresu Organizatora, i prihvaća da takvo povlačenje saglasnosti uzrokuje nemogućnost daljnjeg učešća u nagradnoj igri.

12. NADLEŽNOST SUDA

12.1. Sve žalbe, prigovore i reklamacije rješava Organizator nagradne igre. U slučaju opravdanih pritužbi, Organizator se obavezuje da će ih otkloniti u najkraćem mogućem roku i obavijestiti učesnika.

12.2 Svi eventualni sporovi između Organizatora i učesnika odnosno dobitnika rješavaće se sporazumno.

12.3. U slučaju da spor nije moguće riješiti sporazumno, isti rješava Općinski sud u Sarajevu.

U Sarajevu, 26.3.2026. godine

ORGANIZATOR:

Coca-Cola HBC B-H d.o.o. Sarajevo